

VEDTEKTER OG BETALINGSSATSAR FOR SKULEFRITIDSORDNINGA (SFO) I FITJAR KOMMUNE GJELDANDE FRÅ 01.01.2023

§ 1. FØREMÅL

Skulefritidsordninga er eit omsorgs- og fritidstilbod i hovudsak for barn på 1. – 4. trinn. I tillegg gjeld ordninga for barn med særskilte behov på 5. – 7. trinn. Tilbodet vert gitt utanom den obligatoriske skuledagen for 1.-4.trinn. Innhald og aktivitet skal ha hovudvekt på lek, kultur- og fritidsaktivitetar med utgangspunkt i alder, funksjonsnivå og interesse hos barna. SFO ordninga skal gje barna omsorg og tilsyn. Barn med særskilte behov skal gjevast gode utviklingsvilkår.

§ 2. EIGARFORHOLD OG LEIING

Skulefritidsordningane i Fitjar vert eigde og drivne av kommunen i samsvar med § 13-7 i Opplæringslova.

Rådmannen er ansvarleg for at drifta er i samsvar med Opplæringslova med ei til ei kvar tid gjeldande forskrifter.

Rektor er pedagogisk og administrativ leiar for skulen si SFO avdeling.

Skulefritidsordninga har i tillegg ein dagleg leiar med relevant pedagogisk og/eller fagleg utdanning. Dagleg leiar skal saman med personalet i SFO driva skulefritidsordninga i samsvar med § 13-7 i Opplæringslova.

Samarbeidsutvalet ved skulen er styret for skulefritidsordninga. Utvalet bør utvidast med ein representant for dei tilsette i skulefritidsordninga i saker der det er ynskjeleg. Det same gjeld for foreldrerepresentant for skulefritidsordninga. Dei har då møte, tale og stemmerett.

§ 3. INNTAKSMYNDE

Inntak av barn vert gjort ved den enkelte skule. Rektor har utøvande opptaksmynde. Frist for tilbakemelding er 8 dagar etter mottak av tilbod. Etatsjef for oppvekst- og kultur er klageinstans i enkeltsaker angående opptak.

§ 4. OPPTAKSKRITERIUM

Fitjar kommune legg til rettes for at alle barn på 1.-4. årstrinn som ynskjer det, skal få plass i skulefritidsordninga. Det same gjeld barn med særskilte behov på 5.-7.årstrinn.

Føresette kan søkja, og få tilbod om ordinær SFO plass på den skulen der eleven er innskriven.

Barn med særskilte behov og barn på lågare klassetrinn vert prioritert framfor barn på høgare klassetrinn.

§ 5. OPPTAKSPERIODE OG VILKÅR FOR OPPSEIING

Søknad om plass på SFO skjer på eige skjema. Frist for å søkja opptak for neste skuleår er 15. april. Det er mogeleg å søkja heile året, men Søknader som kjem etter frist for hovudopptaket kan risikera ikkje å få plass. Talet på timar i SFO-ordninga kan justerast gjennom ein søknad til skulen.

Opptak gjeld for eitt skuleår om gongen eller til plassen vert sagt opp. Det er ei gjensidig oppseiingstid på 2 månader. Føresette må senda skriftleg oppseiing til den skulen skulefritidsordninga høyrer til. Det vert kravd betaling i oppseiingstida.

Dersom det er tilstrekkeleg bemanning og ledig plass, kan skulen på enkeltdagar ta inn ekstra barn i SFO. Alle foreldre som har elevar i skulen, kan tinga plass på enkeltdagar i skuleåret.

§ 6. BETALINGSSATSAR OG BETALINGSREGLAR

Fitjar kommunestyre fastset betalingssatsane for SFO. Betalingssatsar gjeldande frå 01.01.2023. Uendra satsar frå 2022. (Vedtekne i kommunestyret 14.12.2022)

Ordinær SFO:

T.o.m. 10 timar pr. veke: kr 1.697,- pr. md.
T.o.m. 12 timar pr. veke: kr 1.946,- pr. md.
T.o.m. 14 timar pr. veke: kr 2.169,- pr. md.
T.o.m. 16 timar pr. veke: kr 2.362,- pr. md.
T.o.m. 18 timar pr. veke: kr 2.656,- pr. md.
T.o.m. 20 timar pr. veke: kr 2.952,- pr. md.

Frå 01.08.2022 vert det innført 12 t gratis SFO i veka for 1.klasse.

Gratis SFO skal trekkast frå SFO tilbodet barnet har, og faktura justerast tilsvarande.

Over 20 timar pr. veke: kr 3.248,- pr. md.

Det vert kravd betaling for 11 månader, halv sats for august og juni. Fitjar kommunestyre kan innføra gebyr på papirfaktura.

Frå 01.08.2022 har elevar på 1. trinn rett på gratis SFO 12 t i veka. Desse 12 t vil vera eit tilbod måndag – fredag i tidsrommet kl. 13.10 – 15.30. (Vil kunna variera litt ved kvar skule)

Kjøp av plass på SFO einiskilddagar:

Frå 1. januar 2023 vert dagsprisen for å nytta SFO på einiskilddagar kr 370,-.

Dersom det vert gitt eit utvida SFO-tilbod i haustferieveka, vinterferieveka eller i veka etter skuleslutt i juni ved Rimbareid skule vert betalings-satsen for denne veka kr 1.250,-. (Forutset 15 betalande barn etter denne satsen) Dei som har rett til gratis SFO skal også kunna ha denne retten i ferievekene dersom dei melder seg på ordninga. Opningstida i ferievekene vert frå kl. 08.00 – 15.30.

Det er høve til å ta ekstra betaling til mat, turar og utflukter. For barn med særskilte behov er SFO gratis på 5. – 7. trinn. Fitjar kommune sender ut faktura med betalingsfrist i slutten av kvar månad.

Manglande betaling utover 2 månader medfører oppseiing av plass.

§ 7. LEIKE - OG OPPHALDSAREAL

Skulefritidsordninga har leike- og opphaldsareal som legg til rette for leik, kultur- og fritidsaktivitetar ut frå alder, funksjonsnivå og interesser hos barna. SFO nyttar til vanleg det inne- og utearealet som 1. - 4. årstrinn brukar. Leike- og opphaldsareal skal vera i samsvar med Forskrift om miljøretta helsevern i barnehagar og skular.

§ 8. DAGLEG OPPHALDSTID OG ÅRLEG OPNINGSTID

Skulefritidsordninga fylgjer skuleåret (skuleruta) På planleggingsdagar er SFO-ordninga stengt. Dagleg opningstid er frå kl. 0645 til skulestart og frå skuleslutt til kl. 1615. Det er høve til lokale variasjonar ved skulane når det gjeld start om morgonen og slutt på ettermiddagen.

- Opningstider Rimbareid:
06.45 – 08.30. Ettermiddag 13.10 – 16.15
- Opningstider Øvrebygda:
07.00 – 08.30. Ettermiddag 13.30 -16.00. Fredag 12.30 – 16.00
- Opningstider Selevik:
07.00 – 08.15. Ettermiddag 13.40 – 16.00 måndag og onsdag. 13.00 – 16.00 tysdag, torsdag og fredag

§ 9. BEMANNING OG GRUPPER

I SFO er det tilsett fagarbeidarar, barne- og ungdomsarbeidarar og ev. lærlingar slik at § 13-7 i Opplæringslova kan gjennomførast.

Rettleiande bemanningsfaktor er 12 barn pr. vaksen.

Når barn med dokumenterte særskilte behov er tekne inn i SFO, vurderer rektor og etatsjef oppvekst- og kultur behovet for ekstra bemanning.

§ 10. ENDRINGAR AV VEDTEKTER OG BETALINGSSATSAR

Vurdering av vedtekter og betalingssatsar skal gjerast ved behov. Endringar i vedtekter og betalingssatsar skal handsamast i utval for oppvekst og omsorg og godkjennast av kommunestyret. Endringar i betalingssatsar kan gjerast av kommunestyret i samband med budsjetthandsaminga.

Desse vedtektene vert fastsette av Fitjar kommunestyre 22. juni 2022

Betalings-satsar for 2023 er vedtekne i Fitjar kommunestyre 14.12.2022.